



QASHQADARYO VILOYATI MIRISHKOR TUMANI HOKIMINING QARORI

181000 O'zbekiston Respublikasi Qashqadaryo viloyati Mirishkor tumani Yangi Mirishkor shaharchasi, tel: 652-18-58, 652-10-34, faks-652-14-64, 652-19-48

2021 yil «30» январ HQ-65/01 - sonli

Yangi Mirishkor shaharchasi

Миришкор тумани ҳудудидаги транспорт воситаларини 2021 йилда мажбурий техник кўригини ташкил этиш ва ўтказиш тўғрисида

Ўзбекистон Республикасининг “Йўл ҳаракати хавфсизлиги тўғрисида”ги Қонуни (Ўзбекистон Республикаси Олий Мажлисининг Ахборотномаси, 1999 й., 9-сон 215-сон), Ўзбекистон Республикаси Вазирлар Маҳкамасининг 2003 йил 31 январдаги 54-сонли “Транспорт воситаларини мажбурий техник кўриқдан ўтказиш тўғрисидаги низомни тасдиқлаш ҳақида”ги қарори (Ўзбекистон Республикаси қонун ҳужжатлари тўплами, 2003 й., 1-2-сон, 17-модда), 2017 йил 22 декабрдаги 1010-сонли “Транспорт воситаларини мажбурий техник кўриқдан ўтказиш тартибини такомиллаштиришга доир қўшимча чора-тадбирлар тўғрисида”ги қарори ҳамда 2019 йил 30 мартдаги 272-сонли “Транспорт воситаларини мажбурий тарзда техник кўриқдан ўтказиш тартибини такомиллаштириш чора-тадбирлари тўғрисида”ги га асосан, туман ҳудудидаги транспорт воситаларининг мажбурий техник кўригини ташкил қилиш ва уни ўтказишни таъминлаш мақсадида,

Қ А Р О Р Қ И Л А М А Н:

1. Туман ички ишлар бўлимининг йўл ҳаракати хавфсизлиги бўлинмаси туман ҳудудидаги тегишли транспорт воситаларини мажбурий техник кўриқдан ўтказиш ишларини ташкиллаштиради.

2. Ўзбекистон Республикаси Вазирлар Маҳкамасининг 2017 йил 22 декабрдаги 1010-сонли қарорига асосан жисмоний шахсларга тегишли М1 тоифадаги транспорт воситаларининг техник регламентлар ёки стандартлар талабларига, йўл ҳаракати хавфсизлиги қоидалари, нормаларига мувофиқлиги тадбиркорлик субъектлари — юридик шахслар томонидан мажбурий техник кўриқдан ўтказилиши таъминлансин.

3. Туманда транспорт воситалари қуйидаги даврийликка мувофиқ техник кўриқдан ўтказилиши белгилансин:

а) тижорат асосида йўловчилар ташиш учун фойдаланиладиган енгил автомобиллар, автобуслар, троллейбуслар, трамвайлар ва ўтириладиган

жойлар сони 8 та ва ундан ортик бўлган (хайдовчининг ўрнидан ташқари), одамларни мунтазам ташиш учун жиҳозланган юк автомобиллари, йирик габаритли, оғир вазнли ва хавфли юкларни ташиш учун махсус транспорт воситалари ва уларга тиркамалар — бир йилда икки марта;

б) ишлаб чиқарилганлигига беш йилдан кўп бўлмаган (ишлаб чиқарилган йили ҳам шу жумлага киради) транспорт воситалари (мазкур банднинг «а» кичик бандида кўрсатилган транспорт воситаларидан ташқари) — икки йилда бир марта;

в) ишлаб чиқарилган йилини ҳисобга олган ҳолда ишлаб чиқарилганлигига беш йилдан ортик бўлган транспорт воситалари, шунингдек ишлаб чиқарилган вақти аниқланмаган транспорт воситалари (мазкур банднинг «а» кичик бандида кўрсатилган транспорт воситаларидан ташқари) — бир йилда бир марта;

г) тиркамалар кўриқка транспорт воситаси — шатакчи учун белгиланган муддатларда тақдим этилади.

д) навбагдаги техник кўриқдан ўтказишнинг илгари ўрнатилган муддатларидан қатъи назар, уларни ДЙҲХХ органларида рўйхатдан ўтказиш (қайта рўйхатдан ўтказиш) вақтида;

е) улар ишлаб чиқарилган йилдан қатъи назар, ДЙҲХХ органларида рўйхатдан ўтказилган (қайта рўйхатдан ўтказилган) кундан бошлаб бир йил ўтгач (мазкур банднинг «а» кичик бандида кўрсатилган ҳолатлар бундан мустасно).

3. Мазкур қарорнинг 2-банди “а” кичик бандида кўрсатилган транспорт воситаларининг техник кўриги:

биринчи марта - 1 мартдан 30 июнгача;

иккинчи марта - 1 сентябрдан 31 октябргача ўтказилади.

Юридик шахсларга қарашли бўлган транспорт воситаларининг техник кўриги 1 мартдан 30 июнга қадар ўтказилади.

Жисмоний шахсларга қарашли бўлган транспорт воситаларининг техник кўриги 1 январдан 31 августга қадар ўтказилади.

4. Корхона, ташкилот ва муассасалардаги автотранспорт воситаларини 2021 йилги техник кўригини ўтказиш бўйича комиссия таркиби 1-иловага мувофиқ тасдиқлансин.

5. Корхона, ташкилот ва муассасалардаги автотранспорт воситаларини 2021 йилги техник кўригини ўтказиш жадвали 2-иловага мувофиқ тасдиқлансин.

6. Туман ҳокимининг ўринбосари Б.Арзиев ва Қашқадарё вилояти Транспорт бошқармасининг барча турлари ҳаракатини лицензиялаш ва мувофиқлаштириш департаменти Миришкор туман вакилига:

2021 йил 1 февралга қадар йўлларда ҳаракат ҳавфсизлигини таъминлаш комиссиялари билан ҳамкорликда, юридик шахслар раҳбарларини жалб қилган ҳолда транспорт воситаларини мажбурий техник кўриқка тайёрлаш ҳамда уни ўтказиш чора-тадбирларини ишлаб чиқсин ва амалга оширилиши устидан назорат ўрнатилсин;

транспорт воситаларини мажбурий техник кўриқдан ўтказиш ишларининг самарадорлигини ошириш мақсадида туман ички ишлар бўлими-“Йул ҳаракати хавфсизлиги бўлинмаси”, мудофаа ишлари бўйича туман бўлими вакиллари ва юридик шахсларнинг муҳандис-техник ходимларидан иборат ишчи гуруҳлар тузилсин;

Туман ички ишлар бўлими “Йул ҳаракати хавфсизлиги бўлинмаси” билан биргаликда фаолияти тугатилган, мулкчилик шаклидан қатъий назар корхона ва ташкилотлар тасарруфида бўлган транспорт воситаларини, тиркамаларини, ярим тиркамаларини аниқлаш ҳамда уларни белгиланган тартибда ҳисобдан чиқариш чораларини кўрсин;

7. Ўзбекистон Республикаси Вазирлар Маҳкамасининг 2003 йил 4 ноябрдаги 482-сонли “Ўзбекистон Республикасида автомобил транспортида йўловчилар ва багаж ташиш қоидаларини ҳамда автобусларда йўловчилар ташиш хавфсизлигини таъминлашга доир тадбирларни тасдиқлаш ҳақида”ги қарори (Ўзбекистон Республикаси қонун ҳужжатлари тўпламлари, 2003 й., 21-сон, 204-модда) талаблари ижросини таъминлаш, йўловчиларга самарали транспорт хизмати ҳамда уларнинг хавфсизлигини таъминлаш мақсадида шаҳардаги барча тижорат асосида йўловчи ташиш билан шуғулланувчи юридик шахслар тасарруфидаги ишлаб чиқарилган йили 10 йилдан ошган барча турдаги автобус ва кичик автобусларларнинг мажбурий кўриги ўтказилишини ташкиллаштирилсин.

8. Туман ички ишлар бўлимининг тегишли хизматлари ходимлари жамоатчилик вакиллари билан ҳамкорликда жисмоний ва юридик шахсларга қарашли бўлган автомототранспорт воситаларини тўлиқ мажбурий техник кўриқдан ўтказилишини таъминласин.

9. Транспорт воситаларини мажбурий техник кўриқдан ўтказиш жавдалига асосан автобус ва кичик автобусларни мажбурий техник кўриққа тайёрлаш ва тақдим этиш юридик шахслар раҳбарлари ва жисмоний шахслар томонидан амалга оширилсин.

10. Ўрнатилган тартибда мажбурий техник кўриқдан ўтмаган автобус ва кичик автобуслардан фойдаланиш таъқиқлансин.

11. Мулкчилик шаклидан қатъий назар корхона, муассаса ва ташкилот раҳбарлари мажбурий техник кўриқ бошланишидан камида 10 кун олдин вилоят Йўл Ҳаракати Ҳавфсизлиги хизмати бошқармасининг туманлараро рўйхатлаш ва имтиҳон олиш бўлинмасига (ТРИБ) мавжуд транспорт воситалари ҳақидаги маълумотларни таққослаш учун тақдим этилсин.

12. Йил якуни бўйича техник кўриққа тақдим этилмаган автомототранспорт воситалари рўйхати йилининг 01 ноябригача электрон ва босма шаклларда шакиллантирилиб, Бошқарма техника назорат бўлимига тақдим этилсин.

13. Охириги уч йил давомида мажбурий техник кўриққа тақдим этилмаган автомототранспорт воситаларининг тасдиқланган рўйхатига асосан автомототранспорт воситалари эгаларининг турар жой манзили бўйича, фуқароларнинг турар жой дахлсизлигини бузмаган ҳолда, уларнинг розилиги билан инвентаризациядан ўтказилишини таъминлансин ва яроқсиз

деб ҳисобланган тақдирда белгиланган тартибда рўйхатдан чиқариш ишлари амалга оширилсин.

14. Туман “Миришкор Машъали” газетаси (Ғ.Омонов)га:

транспорт воситаларини мажбурий техник кўриқдан ўтказиш йўл ҳаракати ҳавфсизлигини таъминлашнинг асосий гарови эканлигини тарғиб қилиб бориш тавсия этилсин.

15. Туман ҳокимининг 2020 йил 05 февралдаги HQ-957/01-сонли қарори ўз кучини йўқотган деб ҳисоблансин.

16. Мазкур қарор расмий эълон қилинган кундан эътиборан кучга киради.

17. Ушбу қарор ижросини назорат қилиш туман ҳокимининг ўринбосари Б.Арзиев зиммасига юклатилсин.

Туман ҳокими



Ш.Ч.Санаев